



Број: 09/2-2-инт-1536-3/20
Сарајево, 17.11.2020. године

ОДЈЕЛ ЗА ПЛАНИРАЊЕ И ИНФОРМИСАЊЕ


ОДСЈЕК ЗА ИНФОРМИСАЊЕ

ОВДЈЕ

PREDMET: Одлуку о избору најповољнијег понуђача, захтјев за објаву,
достављамо;

На основу чл. 70. став 6. Закона о јавним набавкама („Сл.гласник“ БиХ бр. 39/14), а у складу са Инструкцијом МИП-а БиХ бр. 10/2-2-50-1-INT-2085/20 од 30.09.2020. године, у прилогу достављамо Одлуку о избору најповољнијег понуђача у поступку јавне набавке избора најповољнијег понуђача за услуге посредовања у продаји авионских карата за потребе МИП-а БиХ, број: 09/2-2-16-8-20471-4/20 од 27.10.2020. године, те молимо да исту одмах објавите на веб-страницу Министарства.

С поштовањем,



П.О. ПОМОЋНИК МИНИСТРА

Ахмет Халиловић



Broj: 09/2-2-16-8-20471-4/20
Sarajevo, 27.10.2020.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te preporuke Komisije za javne nabavke utvrđene u zapisniku broj: JN1-3-16-8-20471-3/20 od 20.10.2020. godine, u otvorenom postupku javne nabavke izbora najpovoljnijeg ponuđača za usluge posredovanja u prodaji avionskih karata za potrebe Ministarstva inostranih poslova BiH, **d o n o s i m:**

ODLUKU **o izboru najpovoljnijeg ponuđača**

I

Ponuđač "V.I.P. TRAVELS" d.o.o Sarajevo sa ponudom broj: 509-09/2020 od 08.09.2020. godine, proglašava se najpovoljnijim, te se imenovanom ponuđaču dodjeljuje okvirni sporazum za posredovanje u prodaji avionskih karata za potrebe Ministarstva inostranih poslova BiH.

II

Ova odluka će se objaviti na web-stranici MIP-a BiH, www.mvp.gov.ba, istovremeno sa upućivanjem ponuđačima koji su učestvovali u postupku javne nabavke, u sve u skladu sa članom 70. stav 6. Zakona o javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Obrazloženje

Postupak javne nabavke pokrenut je Odlukom o pokretanju postupka broj: 09/2-2-int-1536-1/20 od 22.07.2020. godine, u kojoj je utvrđeno da procijenjena vrijednost javne nabavke na godišnjem nivou bez PDV-a iznosi 400.000,00 KM.

Obavještenje o nabavci br. 253-1-2-29-3-10/20, objavljeno je na Portalu javnih nabavki dana 29.07.2020. godine, a sažetak obavještenja o nabavci objavljen je u Službenom glasniku BiH br: 48/20 od 07.08.2020. godine, na osnovu kojeg je proveden otvoreni postupak nabavke izbora najpovoljnijeg ponuđača za usluge posredovanja u prodaji avionskih karata za potrebe Ministarstva inostranih poslova BiH, i to kao međunarodni poziv za dostavljanje ponuda, obzirom na procijenjenu vrijednost.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponude ponuđača:

1. „CENTROTRANS-EUROLINES“ d.d. Sarajevo;
2. „KOMPAS SARAJEVO“ d.o.o. Sarajevo;
3. „V.I.P. TRAVELS“ d.o.o. Sarajevo;

4. „Mrkulić Company“, Poslovnica 1-Ilidža, Sarajevo;
5. „RELAX TOURS“ d.o.o. Sarajevo;
6. „BH Passport“ d.o.o. Sarajevo,

zaključno sa rednim brojem 6 (šest), ispunjavaju formalno-pravne, ekonomske i tehničke zahtjeve Ministarstva inostranih poslova BiH, te da su prihvatljive i mogu biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

U skladu sa tačkom 4.7. tenderske dokumentacije, kriterij za dodjelu okvirnog sporazuma je "najniža cijena tehnički zadovoljavajuće ponude ". Komisija je konstatovala da su originalno, a prije provedene e-aukcije, dostavljene sljedeće ponude:

Red. br.	PONUĐAČ	UKUPNA CIJENA U KM (bez PDV-a)
1.	„V.I.P TRAVELS“ d.o.o. Sarajevo	129,00
2.	„BH Passport“ d.o.o. Sarajevo	1.282,50
3.	„KOMPAS SARAJEVO“ d.o.o. Sarajevo	2.308,50
4.	„Mrkulić Company“ Poslovnica 1 Ilidža Sarajevo	2.565,00
5.	„RELAX TOURS“ d.o.o. Sarajevo	3.846,00
6.	„CENTROTRANS-EUROLINES“ d.d. Sarajevo	7.500,00

Komisija je u skladu sa članom 66. Zakona o javnim nabavkama Bosne i Hercegovine i članom 17. Uputstva za pripremu modela tenderske dokumentacije, od ponuđača „V.I.P TRAVELS“ d.o.o. Sarajevo zatražila detaljno obrazloženje neprirodno niske cijene.

Ponuđač, „V.I.P TRAVELS“ d.o.o. Sarajevo, je u skladu sa članom 66. Zakona o javnim nabavkama BiH, dostavio detaljno objašnjenje neprirodno niske cijene, te je Komisija u predmetnom postupku, analizom objašnjenja neprirodno niske cijene, dostavljenog od strane navedenog ponuđača, utvrdila da je ponuđač, „V.I.P TRAVELS“ d.o.o. Sarajevo dostavio detaljne informacije o razlozima ponuđene cijene, obrazložio ekonomičnost pružanja usluga, dostavio kalkulaciju troškova koje ima prilikom realizacije ugovora, te izuzetno pogodne uslove koje ponuđač ostvaruje vršenjem navedenih usluga. Dodatno, u objašnjenju su navedene prosječne tržišne cijene za iste ili slične usluge koje se realizuju putem javnih nabavki, a koje se kreću između 0,01 do 1,00 KM. Nadalje, ponuđač je obrazložio minimalne troškove zbog ekonomičnosti pružanja usluga usljed vrlo povoljnog korištenja Amadeus rezervacijskog sistema, te tehničkih rješenja i pogodnih uslova za pružanje usluga koje se obavljaju elektronskim putem (emailom), čime su troškovi pružanja navedenih usluga svedeni na minimum. Takođe, ponuđač je naveo da ima stimulatívne ugovore sa avio kompanijama na godišnjem nivou, a da se stimulacija isplaćuje na račun agencije, što povećava cjelokupni budžet ponuđača. Pored gore navedenog, ponuđač je naveo da su zbog pandemije Covid-19 smatrali da trebaju izaći sa razumnom cijenom usluge, što pogoduje i korisniku i pružaocu usluga.

S tim u vezi, Komisija je utvrdila da je dostavljeno objašnjenje ponuđača „V.I.P TRAVELS“ d.o.o. Sarajevo prihvatljivo i u skladu sa odredbama člana 66. stav (2) Zakona o javnim nabavkama BiH, te da je ponuda prihvatljiva i kao takva može biti predmet vrednovanja u konkretnom postupku javne nabavke.

U skladu sa članom 1.2. tenderske dokumentacije, dana 20.10.2020. godine sprovedena je e-aukcija, na koju je pozvano svih šest gore navedenih kvalifikovanih ponuđača. Na navedenoj e-aukciji pojedini ponuđači su promijenili prvobitnu cijenu, te je konačna rang lista ponuđača slijedeća:

Red. br.	PONUĐAČ	UKUPNA CIJENA U KM (bez PDV-a)
1.	„V.I.P TRAVELS“ d.o.o. Sarajevo	0,01
2.	“BH Passport” d.o.o. Sarajevo	11,10
3.	„KOMPAS SARAJEVO“ d.o.o. Sarajevo	2.308,50
4.	„Mrkulić Company“ Poslovnica I Ilidža Sarajevo	2.565,00
5.	“RELAX TOURS” d.o.o. Sarajevo	3.846,00
6.	„CENTROTRANS-EUROLINES“ d.d. Sarajevo	7.500,00

Nakon sprovedenog postupka e- aukcije, Ad Hoc Komisija za provođenje postupka javne nabavke u Ministarstvu inostranih poslova je utvrdila da navedene ponude u formalno-pravnom, ekonomskom i tehničkom smislu ispunjavaju zahtjeve Ministarstva inostranih poslova BiH, te je na osnovu člana 64. stav 1. b) Zakona o javnim nabavkama Bosne i Hercegovine („Službeni glasnik BiH“ broj 39/14), jednoglasno dala preporuku Ministru inostranih poslova BiH da donese Odluku o dodjeli okvirnog sporazuma ponuđaču „V.I.P TRAVELS“ doo Sarajevo kao prvoplasiranom i najpovoljnijim na rang listi, čija ukupna cijena ponude bez PDV-a iznosi 0,01 KM, odnosno ukupna cijena ponude sa PDV-om iznosi 0,0117 KM. Na osnovu svega navedenog, odlučeno je kao u dispozitivu.

PRAVNA POUKA:

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema i to u pisanoj formi, u dovoljnom broju primjeraka, a koji ne može biti manji od tri. Žalba se podnosi putem MIP-a BiH.

DOSTAVITI:

1. Svim učesnicima u postupku javne nabavke;
2. Komisiji za javne nabavke;
3. a/a .



MINISTAR

Dr. Bisera Turković
Dr. Bisera Turković